

Te Heheuraa Api

E ITE ʻĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENIHIHA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 7

-- TIURAI 1951 --

MAT. 38.

Tihoti Alebereta Semita.

E Huaai o Tihoti Alebereta Semita no Edward Win-
slow, o te hoê ia no te pūpū taata matamua o tei
tae mai i te fenua Amerika na nia i te pahi "Mayflower" i
roto i te matahiti 1620 ua riro ratou ei mau taata faatere
hau, e e roo maitai to ratou i te mau vahi atoa i te fenua
Amerika, e oia atoa, Tihoti â Semita, ua pee atu oia i te
faatrereraa a to'na mau tupuna, e ua roaa mai ia'na te îte e
paari, e ua rahi te ohipa fifi ta te Hau Amerika i tuu i rōto i
to'na rima, e ua oti tana mau ohipa mai te maitai e te nehe-
nehe, e ua faarii mai oia i te haamaitairaa o te Hau no te
reira mau ohipa.

Ua fanau mai Tihoti â Semita i Roto Miti e e tama-
iti oia, na John Henry Semita, te hoê no te Peresiteni raa
no te Ekalesia i te taime i pohe ai oia, e na Sarah I. Semita.

Ua haere Tihoti â Semita i te mau haapiiraa rahi no
te fenua e te mau mahana aita i faaterehia te haapiiraa, ua
rave oia i te ohipa i roto i te hoê fare to'a, e na roto i to'na

te itoito ra ua riro oia ei taata faatere no taua fare to'a ra.

I te matahiti 1898 ua maitibia oia e te Peresiteni no Hau Amerika ei taata faarii moni no te tufaa fenua Utahae i te matahiti 1902 ua maiti faahou hia oia e te Peresiteni apī no te Hau ia rave faahou â i taua ohipa ra.

Mai te matahiti 1913 e tae no'atu i te matahiti 1918 o oia te Peresiteni no te Sotaiete Faaapu no te mau Hau i te fenua Amerika. I te matahiti 1919 ua maitibia o Tihoti â Semita e te Tavana o te tufaa fenua Utaha ei mono no te Hau i roto i te hoê putuputuraa i faaterehia i te oire London i te fenua Baratane.

I te 6 no Atopa i te matahiti 1903 ua maitihi oia ei Aposetolo no te Ekalesia A Iesu Mesia i te Feia Mo'a i te Mau Mahana Hopea nei. O oia atoa te Peresiteni rahi no te Feia apī no te Ekalesia.

I te 4 no Eperera 1951 i te hora 2 i te Abiahi, Ua ani hia to tatou Peropheta here e to tatou Atua, e na pahono atu oia, mai te au i ta'na ra mau pahano raa i te Atua, i roto i to'na ora raa. "*E ua ineine au.*"

E e haamana'o hia oia e te ohipa ta'na i rave, e te mau taata apī atoa e tae roa'tu i to ratou poheraa. Aita tatou e ite i te mau taata tei topa i roto i te ino, e na roto i te aroha e te here o to tatou taeae, ua faarue ratou i te ohipa ino e ua rave i te ohipa maitai, te haere noa nei oia i tera vahi e i tera vahi ia tanturu i tei roohia e te ati.

To'na haapa'o raa, e haapaoraa no te mau mahana atoa ia, e ere ia, no te mahana Sabati ana'e. Teie to'na hinaaro rahi i roto i teie oraraa, e te tumu e haamaitai hia'i to'na io'a e te mau taata o tei farerei ia'na ra. *E faaite atu vau ia outou, o te huru ia o to te mau melahi a te Atua ra oaoa, ia tatarahapa te taata hara hoê ra. (LUKA 15:10)*

Teie te hoê parau faaroo tei papaihia e to'na iho rima
ei avei'a no to'na haere raa i roto i teie nei ao.

Te hinaaro nei au ia riro ei hoa no te mau feia hoa
ore, e ia noaa to'u oaoa na roto i te tautururaa i te
feia veve. Te hinaaro nei au ia farerei haere i te
feia i pohe i te mai e tei peapea, e ia faatupu, i roto
ia ratou, te hinaaro i te faaroo ia ora ratou. Te hi-
naaro nei au e haapii i te parau mau i te mau taata
atoa, ia noaa ia ratou te îte e te haamaitairaa. Te
hinaaro nei au ia imi i te feia faaroo paruparu e e
tamata i te faahoi ia ratou i roto i te hoê oraraa tia
ra e te oaoa hoi. Eita vau e titau, na roto i te puai,
ia ora te taata mai te au i to'u nei mau mana'o, a-
rea ra e here ra vau ia ratou e tae noa'tu i te taime e
rave ai ratou i te mea maitai. Te hinaaro nei au ia
amui to'u oraraa i to te huiraaatira, e ia tauturu ia
ratou i roto i ta ratou ra mau ohipa, ia tia ia ora
ratou ma te osoa. Eita vau e titau i te parau faa-
teitei a te mau taata no'u iho, no te mau toroa rara-
hi, e e patoi atoa vau i te mau parau haapoupou no
te mau hoa feruriraa ore. Eita vau e hinaaro ia
faainoino i te hoê noa a'e taata na roto i te îte, e tae
noa'tu i te taata tei hapa ia'u, area ra e titau vau i
te maitai no'na ia riro oia ei hoa no'u.

Te hinaaro nei au ia upootia i nia iho i te nounou
e te pohe hae, e ia oaoa ite mauuiaraa o te mau ta-
marii atoa a te Atua. Eita vau e hinaaro ia riro ei
enemi no te hoê noa'e varua e ora nei. Na roto i
to'u îte e, ua tuu mai te Faaora o te mau taata atoa,
te ravea hoê roa ra ia faaoaoa ia tatou, i roto i teie
nei oraraa e i te oraraa a muria'tu, te mana'o nei

au e, e ere i te utn'a, e haamaitairaa ra, ia haapn-rara vau i teie nei mau parau mau.

E parau nehenehe roa teie parau, e te mau taata o tei ite ia'na, ua ite ratou e e tapae teie Taeae i te vahi hanahana e faarii oia i te utua maitai, no te mea, noa'tu te vero, te miti te matai e farereihia e tatou i roto i teie nei ao, ia faaterehia to tatou pahī mai te au i teie avei'a e tae ihoa ia i te tipaeraa mau.

I te pohe raa o te Peropheta o Hebera J. Garanata i te 14 no Me 1945, e i te 19 no Me, ua maitihia o Tihoti Alebereta Semita te Peresiteni no te Ekalesia a Iesu Mesia i te Feia Mo'a i te Mau Mahana Hopea Nei.

“O IEHOVA to'u tiaī, e ore roa vau e ere. Te faataoto nei oia ia'u i te mau ana heeuri ra, te aratai nei oia ia'u na pihai iho i te pape atatia ra. E faaho'i oia i tau varua, e aratai oia ia'u na te e'a titiaifaro, no to'na ra i'oa. E ia haere noa'tu vau na te peho ra o te mārū-pohe, e ore â vau e mātā'u i te ino, tei pihai atoa iho oe ia'u:to raau e to tootoo tei haamahanahana mai ia'u. Ua faanahonaho oe i te tahi amuraamaa na'u i mua i te aro o tau mau enemi; ua faatavai oe i tau upoo; e te î nei tau a'ua.

E riro â te maitai e te aroha i te pee mai ia'u i te mau mahana atoa o to'u nei oraraa; e parahi â vau i roto i te fare o Iehova e maoro noa'tu o'u pue mahana.”

Salamo 23:1-6.

DAVIDA Q MAKE.

I roto i te Amuiraa rahi, no te Ekalesia, i faatiahia i Roto Miti, Utaha, i te 9 no Epelera 1951 i mairi a'enei, ua

maiti hia o Davida o Make, te Peresiteni Rahi no te Ekalesia, ei mono no Tihoti Alebereta Semita tei pohe. Ua faarii maitai hia oia ma te mauruuru rahi e te mau melo atoa no te Ekalesia.

Ua fanau mai o Davida O. Make i Huntsille, Utaha, i te 8 no Setepa i te matahiti 1873. E tamaiti oia na Davida Make (*metua*) e na Jeanette Evans Make. I to'na apîraa na rave oia i te ohipa i nia i te faaapu a to'na *metua*; e mea au roa na'na i te faahoro i te puaahorofennua, te au, e te tai-ti popo.

Ua haere oia i te haapiiraa teitei e ua roaa mai, ia'na, te mau parau atoa no taua haapiiraa ra-

I roto i te ava'e Atete, i te matahiti 1897, na maitihia oia ei Orometua e ua haere oia i te fenua Baratane ia poro haere i te Evanelia, I te ava'e Tenuare i te matahiti. 1900, ua faaipoipo oia ia Ema Riggs, e ua fanau mai ta raua e too-bitu tamarii, e tooono teie e ora nei. I te matahiti 1903 ua maitihia oia ei Orometua faatere i te hoê Haapiiraa teitei, o Weber Academy, e ua rave oia i te reira ohipa e tae toa'tu i te matahiti 1908. Mai te matahiti 1908 e tae noa'tu i te matahiti 1922, ua faatere oia i te mau haapiiraa, no te Ekalesia, e ua faatere atoa oia i te mau haapiiraa Sabati no te tîti i Weber.

I te 8 no Eperera 1906 na maitihia oia ei Aposetolo no te Ekalesia. I roto i te matahit 1921-1922 na haere o Davida, raua o Hugh J. Canona, e hi'opoa i te mau Misione, no te Ekalesia, i te ao nei, i rapae i te fenua Amerika, e 13 ava'e tei pau ia raua i te haaatiraa i te mau Misione e e 62-500 maile te roaraa o to raua tere. A haamana'o na outou, ua tae mai raua, i Tahiti nei, i te matahiti 1921. I te ava'e no Noema 1922 ua maithia oia ei Peresiteni no te Misione i

Europa e e mea manuia roa ta'na ohipa i reira, ua tupu roa te ohipa a te Fatu i raro a'e i ta'na faatereraa. I te matahiti 1924 ua hoi atu oia i Roto Miti, e ua rave â oia i te ohipa e au no to'na ra toroa i rotopu i te mau tītī no te fenua Amerika.

E taata herehia, teie taeae, e te mau taata tei farerei ia'na ra e noa'tu e e taata veve e aore ra e taata tao'a rahi, hoê â to rana faito i mua ia'na ra.

Ua au to'na oraraa i te hoê faito na tatou, ia rave itoitou tatou i te ohipa mai ia'na te huru, ia haapao tatou i te mau ture, e te mau faaueraa, e horoa mai te Atua i te utu'a maitai no te haamauruaru ia tatou.

E te riro ia'na te rê, e te tapea i ta'u parau e tae noa'tu i te hopea ra, e horoa'tu vau i te mana no'na i nia iho i te mau fenua. Apokalupo 2:26.

“Te Bibilia.”

Te na o mai nei te tahi haapiiraa na to te ao nei, “Tei roto i te Bibilia te mau parau atoa a te Atua i horoahia i te taata nei. E ua riro taua parau ana'e ra ei aratai i horoahia mai e te Atua i te taata nei.”

A hi'o tatou na mna eaha ia te auraa o te parau “Bibilia”? Teie ia to'na auraa, oia hoi te amuiraa o te mau buka. Oia hoi ua papaihia te hoê buka e te hoê taata e te tahi buka e te tahi taata, e ua amuihia taua mau buka ra e na parauhia ratou “Bibilia”.

E teie nei ahi'o tatou, tei roto te *Bibilia* anei te mau parau atoa a te Atua? Te na o maira te pahonoraa, aita roa. Te vai nei te mau parau i roto i te *Bibilia* o tei faaite mai ia tatou i te mau io'a o te tahi buka area ra te io'a ana'e tei papaihia i roto i te *Bibilia*. Te parau a te Atua i papaihia i roto i taua mau buka ra ua moe ia. A hi'o (Exodo 24:5,7; Numela 2:14; I Korinetia. 5:9.) e te vai noa ra te rahi raa, oia ia, hoê ahuru e ma vau i'oa i papaihia i roto i te *Bibilia*, area ra te io'a ana'e ra tei faaite hia. No reira e homa, te reira te hoê tumu rahi aore roa e nehenehe ia parau, "te roto i te *Bibilia* te mau parau atoa a Te Atua".

Ua haapii mai anei te Mesia e, tei roto i te *Bibilia* te mau parau atoa a te Atua, e ua riro anei taua mau parau ana'e ra ei aratai no te taata nei? Aita roa. Ua haapii mai te Mesia, i roto i te *Bibilia*, e ora te taata i te mau parau a te Atua, e na haapii atoa mai oia e, "na te Varua Maitai e aratai i te taata i te mau parau mau atoa". (Ioane 16:13.) E, na tana Varua Maitai hoi e faaite mai i temau mea ta'na i faaroo, oia hoi te mau parau a te Atua. E na te Varua Maitai e faaite te mau mea e tupu a muri atu. No reira e homa te reira te tahi tumu rahi aore rea e nehenehe ia parau tei roto i te *Bibilia* te mau parau atoa a te Atua i horoahia i te taata nei, e e riro taua parau ana'e ra ei aratai no te taata. Ua haapii papu hia e riro te Varua Maitai ei aratai no te taata nei, e e faaite noa mai Oia i te mau parau a te Atua.

E mea tia anei ia parau ua riro te hopea o te buka i papaihia e Ioane, oia hoi te Apokalupo, ei hopea no te parau a te Atua? Mai te mea e faaroo tatou tei te *Bibilia* te mau parau atoa a te Atua, te reira ihoa ia te hopea o te parau a te Atua. Area ra aore roa e tia ia faaroo mai te reira, no te mea e, te vai noa nei te mau parau tei faaite mai ia

tatou e, heheu noa mai te Atua i ta'na mau parau i te taata nei. (*Amosa 3:7: Apokalupo. 14:6: Ohipa 2:17,18: Ioane 16:13-14.*)

No reira e homa ia faaroo tatou mai tei faaite hia i roto i te mau parau faaroo no Te *Ekalesia a Iesu Mesia i te Feia Mo'a i te Mau Mahana Hopea Nei*, oia hoi "Te faaroo nei matou i te mau parau i heheuhia mai e te Atua i mutaa-ihora, e te mau parau ta'na i heheu mai i teie nei, e te faaroo nei matou e, e riro â oia i te heheu mai i te hoê a mau parau maitai e te faufaa rahi no to'na ra *Basileia*".

TE MANA O TE PARAU MAU.

¶ E *Parau Mau* o te ofai tibi no to tatou oraraa. Te *Parau Mau*, o te mana ia tei faatere i te mau mea no teie nei ao. O ta oe ra parau-tia, e ore ia e mure, e ta oe ture, o te parau mau ihoa ia. *Salamo 119:142.*

E an te *Parau Mau* i te uira; ia ite tatou i te niunue te mori tei ama, na ite ia tatou e, tei roto i tana niunui ra te uira te puai, e te mana o tei faaama i taua mori ra, e tei roto atoa i tana niunui ra te pohe mai te mea e tamata tatou i te faahapa i to'na mau ture, aita râ tatou i ite i te tumu no reira mai taua uira ra. Hoê â ia huru ia ite tatou i te *Parau Mau*, na ite tatou e, e paran mau te reira, aita râ ta te taata nei e ravea ia faataa ê atu i te tumu, na riro ra taua mea ra ei parau mau.

Te *Parau Mau*, o te avei'a ia no te varua o te taata nei, tei aratai atu ia'na na te e'a tia ia tae atu oia i te tipae-raa mau: te vahi no reira mai tatou nei; mai te mea ra e, e

farii tatou i te reira ei avei'a no tatou; mai te mea aita tatou i farii i te parau mau, e riro tatou mai te taata o tei îte i te mori uira, ua haapiihia oia e eiaha e hauti i taua mori ra, no te mea e, te vai ra te uira i roto i te niuniu e e paapaa te taata o te hauti ia'na. Eita e tia ia tatou ia hauti i te *Parau Mau* e te tamata i te faariro ia'na ei mea haavare; ia tamata tatou i te reira e faahapahia mai ia tatou mai te au i te ture o te parau mau, e ia puai te faahaparaa o te ture o te uira, e a ore ra, te *Parau Mau*, te pohe ia te utu'a. Eita e tia ia tamata tatou i te faatere i te pahi i nia i te fenua, no te mea e ere ia te reira i te ture *Parau mau* o te pahi, e faahaparaa ia i te ture, e te utu'a no te reira e parari te pahi, ia haapao ra tatou i te ture mau o te pahi ra, e tuu ia tatou ia'na i roto i te miti e e tere maitai oia e eita e ino.

Te *Haavare*, o te hara matamua ia tei tae mai i roto i teie nei ao; ua iteahia te haavare i roto i te paraparau-raa matamua i roto i te ô i Edene. E mea paruparu roa te *haavare*, eita e tia ia'na ia tia i nia, oia ana'e, e topa oia i raro; e mea tia ia haere te *haavare* mai te nuu faehau i te hurn, ia tauturu te tahi *haavare* i te tahi *haavare*, ia ore ratou ia topatopa e ia riro ei mea aore. Te *Parau Mau* ra, e tia noa ia'na ia tia noa, oia ana'e, aita e ravea no te faaore ia'na, no te mea, te *Parau Mau*, o te tumu ia no te mau mea tumu no te ao nei. Ua na mua te *Parau Mau* e ua na muri te taata nei i roto i teie nei ao, no te mea te *Parau Mau*, o te tumu ia no te taata nei. *Te îte, e aore râ te maramarama no te parau mau, e ere ia i te mea hamanihia, e ore hoi e noaa ia hamani.* B. F. 93:29.

Ia îte tatou i te *Parau Mau* e ia tapea tatou i te hoê tufaa o taua *Parau Mau* ra, e riro te reira tufaa ei tautururaa na tatou ia tae atu tatou i tera ao i mua. Te taata o te îte i

te *Parau Mau* e aita oia i haapao i te reira, e riro to'na oraraa ei oraraa haavare e ei mea pobe. Te taata o tei îte ite *Parau Mau* e tei faaito maitai i ta'na mau parau, e ta'na mau ohipa ia ore roa te hoê hape e iteahia i roto, tei ia'na te tiamâ e te oraraa parau mau.

Eaha te *Parau Mau*? Ua fatata e piti tauatini matahiti i mairi a'enei, ua ui atu Pilato ia Iesu i teie uiraa. *Ua ui atura Pilato ia'na, Eaha te parau mau? Ioane 18:38.* e te vai noa nei â taua uiraa ma te pahono ore hia e tae roa mai i teie mahana.

Ua noaa mai ia tatou nei te hoê mau tufaa no taua pahonora ra, eiaha te îraa o te îte no te reira uiraa. Na roto i to tatou haapaoraa i te mau tufaa *Parau Mau*, tei noaa mai ia tatou nei, te faaineine nei tatou ia tatou iho no te îraa o taua îte ra. *Te hanahana o te Atua o te îte ia, oia hoi te maramarama e te parau mau. B. F. 93:36.*

I te vahi e iteahia te haavare e îte atoa hia, e tatou, te peapea e te ma'i. Eita te mau ohipa e afaro mai te mea ua faaterehia na roto i te haavare, ma te haapao ore hia te ture o te *Parau Mau*.

Mai te matamua mai â, aita roa tatou i îte i te hoê peapea tei tupu no roto mai i te *Parau Mau*. E aita roa te hoê peapea e tupu i nia i te pahi, i tua, mai te mea ua haapao maitaibia te mau ture *Parau Mau* no te pahi e te moana. E ere te *Parau Mau* i te ahū nehenehe, no te Sabati ana'e, ia ahū hia ra i te mau mahana atoa e tia'i.

E nahea tatou i te haapao i te *Parau mau*? E mea farii noa hia anei te reira ma te ohipa ore? Aita roa e tia ia na reira. Ia vaere noa tatou i te fenua eita ta tatou mau huero maitai e tupu, maori râ, ia tann tatou i te huero maitai i te vahi i vaerehia, ia tupu e ia rahi e ia faufaahia mai

te tahi i tau auhunneraa e tia'i.

I to tatou haereraa na te moana rahi, oia hoi, teie oraraa nei, e farerei tatou i te tahi mau mahana mania roa, e aita roa to tatou pahi e tere i mua, e vai noa te mau i'e ma te paruparu i te pae tira e aita roa e hoê mata'i no te faatere ia'na, e aita ta tatou e ravea, maori ra ia tia i e ia tiaturi i te mata'i, te hoê ture *Parau mau* o te pahi. Hoê â huri to tei hinaaro e tei tamata i te faatere i ta ratou mau ohipa na roto i te afaro e te parau tia; i te tahi mau mahana e farerei ratou i te mahana mania, e e mana'o ratou e, aita ta ratou ohipa i tere i mua e e hi'o ratou i te tahi mau taata i te faatereeraa i ta ratou ohipa, ma te hape, e te tia ore, e ua tere hoi, e mana'o ratou e, eaha te faufaa ia haapao e ia haere na te e'a afaro. Ia hi'opoa maitai ra tatou i teie na huri e piti nei e ite ia tatou e, te utua o te haere na te e'a afaro, e tei haapao i te ture mai te au i te *Parau mau*, e tae atu oia i te tipaeraa mau, noa'tu i te vero e te mau ati huri rau, e e manuia te tere o te taata o te rave i te *Parau mau* ei avei'a na'na.

Ia hinaaro tatou i te tao'a tei hau i te nebenehe, e au-fau tatou i te moni e au no taua tao'a ra, eiaha tatou e imi i te ravea ia noaa mai taua tao'a ra ma te moni māmā roa e a ore ra ma te moni ore; e mea hape te reira i te ture. Aita tatou e tae i te basileia, maori ra, ia au-fau tatou i te mea e au i te ture, no te parahiraa i reira. Nahea tatou i te au-fau i te reira? Na roto ia i te haapaoraa i te ture *Parau mau*, e na te reira e haapee i te taime no te parahiraa i reira.

EDITORIAL

Nafea Vau E Ora'i.

NAFEA VAU E ORA'I?

Q Teie te hoê niraá tei roto i te mana'o o te rahiraa o te taata i teie nei mahana. Ua tafifihia te mana'o o te taata nei na roto i te mau haapiiraa a te mau Haapao-raa e vai nei i nia i te fenua nei; te na ô maira te hoê, *A haere mai oe, teie te parau mau*, te na ô maira te piti, *e ere te reira, teie rá te Ekalesia mau e te e'a te aratai atu ia oe, i te ora*; e na roto i te reira mau parau na tafifihia te pae rahi o te taata i roto i teie nei ao.

Mai te mea na tae mai ia'u nei te hoê faaneraa mai teie te huru: *A hamani oe i te hoê pahi e ia au to'nu hoho'a i to te mau pahi tahito ra*. Nahea vau i te hamani i te reira? E haere anei au i rotopu i te mau taata ma te ani ia ratou ia faaite mai i te huru no te hamaniraa, e ia îte vau i to ratou mau mana'o e rave ia vau i te mea i hinaarohia e au, oia hoi, e hamani vau i to'u pahi? E a ore ra e ini vau i roto i te mau parau tuatapaparaa no te mau feia tahito, ia îte au i te mau faito e te huru o te hamaniraa i to ratou mau pahi, e ia oti maitai to'u haapiiraa i te reira mau mea, e papai vau i te hoê hoho'a ia au i to ratou pahi e i reira e e haamata ia vau i te hamani i to'u pahi.

Hoê â huru te Ekalesia nei, na haere mai o Iesu i nia

i te fenua nei e ua faatia oia i te Ekalesia, e ua horoa mai oia i te ture e te mana no te faatereraa i taua Ekalesia. E ua horoa mai Oia i te hoho'a e ua papaihia taua hoho'a ra, e to tatou mau tupuna, oia hoi, te mau Peropheta, e tei rotopu ia tatou i teie nei â mahana, taua parau tuatapapa ra, taua hoho'a e taua mau haapiiraa ra, oia hoi, te Buka tei parauhia te *Bibilia*.

Ia hinaaro tatou ia noaa mai te hoê haamaitairaa, te ora, mai te au i tei papaihia i roto i taua buka ra. E mea tia ia haapao tatou i te mau ture mai te au i tei papaihia i roto ra, no te mea, aita te taata e manuia na roto i te ofatiraa i te ture.

Te na ô maira te hoê parau tei papaihia i roto i taua buka ra; te raau matamua i nia i tana e'a ra o te *Faaroo iaia Iesu Mesia*: te 2 ra, te *Tatarahapa* ia, te 3 ra, te *Bapetizoraa* ia, te 4 ra, *Tuuraa rima* ia no te horoaraa i te Varua Maitai. O teie ia te mau ture matamua tei horoahia mai ia haapaohia e te mau tamari' a te Atua, o teie ia te hoho'a no te taere e te mau raau tumu no taua Pahi tahito ra, ia ore ra, ia haaapao-hia eita ia taua pahi tahito ra e oti.

Eaha teie mea i papaihia e Faaroo? Te na ô maira to tatou tupuna: *O te faaroo nei, o te tiaturi ia i te mau mea e tiaihia nei, e te ite i te mau mea aore i hi'ohia nei. Hebera. 11:1.*

E mea tia ia noaa mai ia tatou teie mea e Faaroo. *Aore hoi au i haama i te Evanelia o te Mesia ra, no te mea, O te Mana ia o te Atua, ia ora te feia atoa i faaroo ra. Roma 1:16* Te taata tei ore ia'na te reira mea, eita roa ta'na ohipa e oti no te mea, o te faaroo o te mana ia. Mai te mea aita to tatou e faaroo (*te mana*) eita tatou e haamata i taua pahi ra. Te faaroo e te ohipa o te mea matamua ia no te faatiraa i te

Ekalesia, e a ore ra, te Pahi. *Mai te mea e faaroo to tatou aitaria e ohipa, e mea pohe ia.*

I noaa mai ia tatou te (faaroo ora) oia hoi, te faaroo e te ohipa, na haapii mai te Orometua rahi ia *Tatarahapa*. A tatarahapa, e a fa'i mai i ta outou atoa ra mau hara, e eiaha outou ia hi'a i ta outou mau parau ino ra. *Ezekiela 18:30*. Eiaha tatou e faahapa i te ture, eita e manuia ta tatou ohipa. Te vai nei te ture no te mau mea atoa i roto i teie nei ao. Ia tamata tatou i te faatere i te pahi ta i'e i tua, ma te taa-mu maitaiahia te mau i'e i raro, e tere anei te pahi? Ia tun tatou i te pape i roto i te tura mori no te machine, e tere anei te machine? Eita, no te mea na faahapa tatou i te ture o te pahi ta i'e e te machine, ia tatarahapa ra tatou e ia haapao i te ture o teie na mea e piti, e tere ia te pahi e te machine.

Na roto i teie ravea ta te Atua i horoa mai ia tatou nei, e manuia ta tatou ohipa e e noaa mai ia tatou te mea i hinaaro hia, oia hoi, te Ora. Te na ô maira Oia e, *Ua parau atura Iesu, Amene, Amene, e parau atu vau ia oe, ia ore te taata ia fanau i te pape e te Varna, e ore oia e ô i te basileia o te Atua ra. Ioane 3:6*. E nahea tatou i te baptizo? Te na ô maira te parau i papaihia e te mau Peropheta tei papai i te hoho'a tei horoahia ia ratou e te Mesia. *E teie nei, ua tunuhia tatou e oia atoa, i te baptizoraahia i roto i to'na ra pohe mai te Mesia i faatiahia e te mana o te Metua i te poheraa ra, ia haapao atoa tatou i te haerea e au i te ora api. Roma 6:4-5. Maleko 1:10: Ioane 3:23*.

Na teie mau parau i faaaite papu mai ia tatou, i te huru no te baptizoraa ta Iesu i haapii mai, o teie te hoho'a ta'na i horoa mai i ta'na mau pipi, e tera te tumu i papaihia'i i roto i te Bibilia. O te baptizoraa utuhi, o te bapti-

zoraa mau ia.

Ia oti tatou i te bapetizohia, ua parau mai te Mesia, e tonohia mai te Varua Maitai ei ite, ei maramarama na oe i roto i teie nei ao. Ioana 11:26. E riro te Varua maitai ei lamepa, ei mori rahi no tatou, i to tatou haerea na roto i teie nei ao.

I to tatou haerea na roto i teie nei ao, a haapao tatou mai te au i te ture, e na te reira e aratai ia tatou na te e'a afaro, no te mea, *Te apiapi râ o uputa e te piriha'o te e'a e tae atu ai i te ora e te iti hoi o te feia i île atu i te reira.*

I ROTO MITI UTAMA.

17 no Eperera matahiti 1951.

Ite mau Melo o te Ekalesia a Iesu Mesia i te Feia Mo'a i te Mau Mahana Hopea Nei.

E Te Mau Taeae e te Mau Tuahine.

Ite po i mairi a'e nei, ua riro ia ei po oaoa no'u i te feruri raa i to tatou *PEROPHETA DAVIDA O MAKE*, e ua paraparau rii maua i te tahi mau taime.

O to'u hoi te reira farerei raa matamua ia'na maite mahana o te Apooraa Rahi hanahana o tei faatupu hia i te monire i mairi a'e nei, oia hoi te mahana i faarii oaoa hia'i oia ete mau melo faatere raa rahi o te Ekalesia, e te mau melo atoa hoi o te Ekalesia i te faarii raa ia'na ei *Peropheta* no te *Ekalesia a Iesu Mesia i te Feia Moa i te Mau Mahana Hopea nei.*

Oia atoa hoi, i tana apooraa rahi nei, e mai te reira atoa hoi te mau rave raa, ua maiti atoa hia hoi o Setephano L. Ritae ei Peretiteni tanturu hoê, e ua maiti atoa hia o J. Reubena Tarati ei Peretiteni tanturu piti no te *Peropheta o Davida o Make.*

I to maua hoi fererei raa nei i po monire nei, na haapoupon oaoa atu van ia'na mai te parau atoa atu e, o ta'u nei hoi vahine, e o ta'u tamaiti, ua here mau matou ia'na, e te tiaturi nei hoi matou e e pure hoi matou no'na ia nehehehe ia'na ia amo mai te itoitoe e te manuia i nia i teie nei ohipa teiaha e te hanahana o ta'na e amo nei.

Ua parau atu van ia'na i to'u nei oaoa e to'u nei hoi here ia'na e ua parau atoa atu hoi van ia'na e, mai te reira atoa hoi te oaoa, te here ia'na o na melo i Tahiti, e 2.000. Oia mau a hoi o tei rave itoitoe ite ohipa no outou i na matahiti i mairi a'e nei. Ua tahetahe hoi to tera roi mata i teie mau parau, e ua tuu maira oia i na rima inia ia'u mai te parau mai e, e nehehehe anei hoi ta'u ia papai atu i te mau melo o te *Ekalesia i Tahiti*, mai te faaite atu oe ia ratou i to'u nei here e to'u nei tiaturi ia ratou, e te na ô maira hoi oia e pure e e tiaturi mau anei tatou i te Atua, ia mae'a ia'na mai te itoitoe e te puaie te hanahana i teie nei tiaraa Rahi Faatere ite *Ekalesia o Iesu Mesia i te Feia Mo'a i te Mau Mahana Hopea Nei*.

O ta'na nei hoi i hinaaro no te mau melo atoa o te Ao nei, teie ia, oia hoi: TE TA HOE RAA, TE TIATURI RAA, TE MAITAI E TE HERE; ia riro teie aratai raa no to tatou nei ora raa. Te mau melo atoa o te Ekalesia a Iesu Mesia i te Feia Moa i te Mau Mahana Hopea Nei, i te mau Mitione atoa o te Ao nei e to Ziona nei, ia faatere atu ratou i to ratou oaoa e ta ratou mau pure i to tatou Metua i te Rai no nia ite Haamaitai Rahi o te mau maitai o tei roaa mai ia tatou, mai te tapea maitai â hoi tatou i ta'na ra mau ture e mai te ora â tatou i roto i ta'na ra Evanelia i te mau mahana atoa, mai te au hoi i tei faaite hia e ta'na ra Tamaiti o Iesu Mesia.

Teie hoi te faaue raa a te Peropheta o Davida O Make [David O. McKay.] o ta'u e faatere atu nei, e te mau Taeae e te mau Tuahine, na rotoite i te faatere raa a te Peretiteni Mitione o Reroi [Mallory] o tei faataa hia e te Peropheta a te Fatu e o tei faa parahi hia i nia i te parahi raa Mitione, no te faatere i te Mitione i Tahiti.

E nehehehe mauâ hoi ia tatou ia rave i te mau ravea no teie nei ohipa Mo'a na roto i to tatou faaroo e na roto i ta tatou mau pure, mai te ora maitai tatou na roto i te faaueraa a te Fatu.

Ia Maitai outou.

Arama Purutona, (Alma G. Burton)

POU MOO Gérant et Imprimeur, Papeete, Tahiti.
